



Broj : 04-14-3996/05
Sarajevo, 27.10.2005. god.

**UDRUŽENJE GRAĐANA ZA POVRATAK STARE
DEVIZNE ŠTEDNJE U BiH I DIJASPORI
78000 BANJA LUKA
I.G. Kovačića 139 b.**

PREDMET: Stara devizna štednja

Poštovani,

U vezi sa Vašim pismom od 12.10.2005. godine kojim tražite informacije o statusnim promjenama Ljubljanske banke d.d. Sarajevo, a u vezi sa starom deviznom štednjom štediša ove banke, obavještavamo Vas slijedeće:

Obaveze iz osnova stare devizne štednje izmiruju se u skladu sa Zakonom o utvrđivanju i načinu izmirenja unutarašnjih obaveza Federacije BiH («Službene novine Federacije BiH», br. 66/44 i 49/05).

U skladu sa članom 9. stav 2. ovog Zakona, obaveze iz osnova stare devizne štednje **ne obuhvataju obaveze iz osnova stare devizne štednje deponovane u Ljubljanskoj banci i Invest banci**, s obzirom da će se ove obaveze rješavati u procesu sukcesije imovine bivše SFRJ.

Za pitanja sukcesije bivše SFRJ, molimo da se obratite Vijeću ministara BiH koje je nadležno za istu.

Što se tiče vašeg zahtjeva za potpunom informacijom o statusnoj promjeni Ljubljanske banke d.d. Sarajevo, obavještavamo vas slijedeće:

Pravomoćnom presudom općinskog Suda u Sarajevu broj: Ps-595/03-III od 11.11.2004. godine je utvrđeno:

1. Da se Ljubljanska banka d.d. Sarajevo ne odgovara za obaveze iz osnova stare devizne štednje deponovane kod Ljubljanska banka d.d. Ljubljana, Filijala Sarajevo;
2. Da Ljubljanska banka d.d. Sarajevo nije pravni sljednik Ljubljanske banke d.d. Ljubljana – Glavne filijale Sarajevo;
3. Da će se na osnovu presude u registru Kantonalnog suda u Sarajevu, u Rješenju broj: UF/I-748/93 od 02.07.1993. godine izvršiti brisanje drugog dijela upisa koji glasi: «nastalo statusnom promjenom Ljubljanske banke d.d. Ljubljana-Glavne filijale Sarajevo», kao i brisanje upisa iz registarskog uložka br. 1-12440 istog Rješenja upisanog u Prilogu broj 1. pod tačkom 2. – ostali upisi, koji glasi: «sredstva, prava i obaveze Ljubljanske banke d.d. Ljubljana – Glavna filijala Sarajevo kao pravnog prednika prelaze na Ljubljansku banku d.d. Sarajevo kao pravnog sljednika».

Na osnovu gore citirane presude stvorene su pretpostavke za uspješan nastup Bosne i Hercegovine odnosno Federacije Bosne i Hercegovine u predstojećim međudržavnim pregovorima sa Slovenijom o dugu Ljubljanske banke d.d. Ljubljana građanima BiH, koji su deviznu štednju deponovali kod Ljubljanske banke d.d. Ljubljana – Glavna filijala Sarajevo.

S poštovanjem,

